



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 47. Collatio quinta.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. aliquando traditum rursus receperat, &
 A. C. 553. quantum ad tria Capitula pertinet, re-
 tractat. In Conclusionem prohibet omni-
 bus, in quacunque Dignitate Ecclesiasti-
 ca sint constituti, ne quidquam huic præ-
 cepto contrarium decernant. Hujus-
 modi est *Constitutum* Vigilii Papæ. Cum
 eo Episcopi sexdecim & tres Ecclesiæ
 Romanæ Diaconi, quos inter Pelagius,
 ipsius post hæc Successor, occurrit, sub-
 scripserunt. Actum istud 14. Maji hoc
 anno 553. datum est; sed Imperatori de-
 mum post dies undecim, id est, vigesi-
 ma quinta Maji traditum. Interim hu-
 jus Constituti ratio nulla habita est;
 quamvis sapientissima videatur Papæ mo-
 deratio, qua errores damnat, & Perso-
 nis parcat. (*)

p. 375.

§. XLVII.

Collatio Quinta.

Interim Patres Concilii Constantinopo-
 litani non cessabant. In Collatione
 quinta

(*) Profecio! hoc Vigilii Papæ Constitutum non solum Doctrinæ veræ, seu Catholicæ, sed etiam Summæ Auctoritatis & Sapientiæ, Potestatis & Moderationis Notas habet. Præterea ea omnia, quæ præcesserunt, & ipsius Concilii Constantinopolitani initia attente legenti liquet, tam Imperatorem, quam Concilii Patres persuasum sibi habuisse, nihil firmum & irrevocabile, nisi Papæ consensus accederet, statui posse.

quinta Die 17. Maji statim aliqua ex li-^{Sæculum VI.}
bris S. Cyrilli contra Theodorum lecta ^{A. C. 553.}
sunt Excerpta, ubi Theodori verba prius
referebat, & deinde refutabat, probans, ^{p. 456.}
ipsum Incarnationis Mysterium, & ex ^{v. Not. Ba-}
consequenti Redemptionem Humani Ge- ^{lux. p. 463.}
neris subvertere. Tum lectus est Libel- ^{Sup. L.}
lus Proclo Episcopo Constantinopolita- ^{XXVI. §. 47}
no a Clericis & Monachis Armeniæ con-
tra Theodorum traditus, & pars Re-
sponsi, quod Proclus dederat. Lectæ
sunt S. Cyrilli Epistolæ quatuor, & illa
etiam quam Rabbula Edessenus ad eum
dedit. Lectus est aliquis locus Historiæ
Ecclesiasticæ Hesichii Presbyteri Jeroso- ^{p. 470.}
lymitani, quæ amplius non superest, ubi
dicit, Theodorum Mopsuestenum, Ju-
dæorum Principia secutum, commenta-
tum esse in Psalmos, & omnes Prophe-
tias de Jesu Christo rejecisse. Hanc ob
rem increpitum, & retractare compul-
sum, cumque promississet librum suum
flammis se traditurum, illum occultasse.
Illum diu ob ignobilitatem Sedis suæ o-
mnibus ignotum latuisse, & pauculos
Discipulos, quos suis inficiebat erroribus,
habuisse. Tandem in Senectute decre-
pita Libros contra Incarnationem scri-
psisse. Leges postea duæ Theodosii Ju-
nioris contra Diodorum Tarsensem, Theo-
dorum Mopsuestenum & Nestorium latæ
recitatæ sunt. Rursus una Epistola Theo-

17. Maji.

Zz 5

phili

Sæculum VI. A. C. 553. philii Alexandrini ad Porphirium Antiochenum, & alia S. Gregorii Nazianzeni ad Theophilum de illis, qui errores Pauli Samosatani suscitabant. Tum aliquot loca Theodreti, ubi fatebatur, Theodorum accusari, eumque defendere conabatur.

p. 745. Alia postea lectæ sunt tabulæ, ut ea, quæ afferebantur ad Defensionem Theodori, refellerentur. Productæ sunt Epi-

Greg. Naz. stolæ S. Gregorii Nazianzeni ad Episcopum nomine Theodorum, ex quibus maxima fuisse inter ipsos animorum concordia videbatur. Tunc Euphrantas Episcopus Tyaneus assurgens dixit: *Fal-*

p. 478. *luntur illi, qui credunt, Gregorium Beate Memorie has Epistolas ad Theodorum Mopsuestenum dedisse. Ego vero, qui Episcopatum Tyaneum teneo, & in ea Provincia natus sum, veritatem vobis pandam. Fuit S. Gregorii ætate in Civitate mea Episcopus, cujus Nomen Theodorus adhuc hodie in Diptychis legitur. Illo tempore Dobara & Nazianzum urbes erant Tyanae subjectæ, quas piissimus noster Imperator subjecit Civitati, olim Mucissæ, & hodie Justinianopoli dictæ, dum eam jussit esse Metropolim. Inde est, quod S. Gregorius ad Theodorum Tyaneum scribens mentionem facit de Bosphoro Episcopo Dobarensi, qui accusabatur, & eum rogat, ut alium loco sui Nazianzenis*

nis Episcopum det. Cilicia vero secundum Sæculum VI.
 da, in qua Mopsuestia posita est, & Cap- A. C. 553.
 padocia secundæ nihil commune; cum Ci-
 licia prima interjaceat, & S. Gregorius
 de Regimine Ecclesiarum Cappadocia se-
 cundæ & ordinando in illa Provincia E-
 piscopo ad Episcopum exiguæ Civitatis
 alteri Metropolitanæ subjectæ scribere non
 potuerit. Theodosius quoque Episcopus
 Muciffenus seu Justinianopolitanus e Se-
 de sua surrexit, & ab Euphranta dicta
 suo testimonio confirmavit.

Tum Quæstio celebratissima agitari p.479.
 cœpta, an liceat condemnare mortuos.
 Ante omnia lectus est locus S. Cyrilli, id
 licere affirmantis. Quo audito Sexti-
 lianus Episcopus Africæ surrexit, & di-
 xit: *Mei officii esse existimo, Concilium*
edocere, multos Episcopos in quodam Con-
ventu decrevisse, ut Episcopi, qui deceden-
tes Bona sua Hæreticis reliquissent, post Mortui da-
mortem anathematizarentur. Habemus mnandi.
quoque Epistolas Augustini S. Memoria,
in quibus legitur, illis, qui pravæ Doctri-
næ inbæserunt, post mortem Anathema esse
dicendum, si ipsorum errores patefiant.
 Lecti aliquot Textus S. Augustini, ubi ad
 Donatistas dicebat: *Si probare possitis,*
Cæcilianum ceterosque, quos accusatis,
fuisse Traditores, vere reos esse, ipsos e-
tiam mortuos anathematizabimus. Be-
 nignus Heracleensis subdidit: *Ita Eccle-*
sia

Sæculum VI. A. C. 553. *ſia anathematizat Valentinum, Marcionem, & Baſilidem, jam defunctos, etiamſi in nullo Concilio damnati fuerint. Eunomius & Apollinaris nibilo melius habiti. Ipſa Eccleſia Romana ante paucos annos Dioſcorum vita functum, qui ejusdem Eccleſiæ Papa fuerat, anathematizavit. Nempe de Dioſcoro Antipapa, ſeu Bonifacio II. anno 529. loquitur.*

17. Maji.
Sup. L.
XXXII.
§. 21.

Sup. L.
XXVI. §. 37

Ad Theodori Mopſueſteni Deſenſionem afferbantur Epistolæ S. Cyrilli ad Joannem Antiochenum & ad Proclum Constantinopolitanum datæ, in quibus dicebat; etſi Theodorus Mopſueſtenus graves errores docuiſſet, tamen nominatim eum damnari non oportere, ut ſervaretur Diſcretio, Orientalium animi non irritarentur, & ignis, qui jam per reconciliationem ipſius cum Joanne Antiocheno ſopitus eſſet, reſuscitaretur. Ad hunc articulum Theodorus Cæſarienſis Nomine Concilii reſpondit: *Ipſe S. Cyrillus ſcripſit adverſus Theodori errores, cum videret, quantus numerus hominum perverteretur. Proclus eodem, & ex conſequenti eorum Auctorem condemnavit. Tandem quia Theodori Seditatores hac Patrum Noſtrorum moderatione & Diſcretione abuſi ſunt, jam non amplius expedit illis parcere. Porro ut condemnationem Perſonæ juſtam eſſe oſtenderet, adducit Exemplum S. Pauli,*
ad

17. Maji.
Gal. 5. 2.
Coloſſ. 2. 19.

ad tempus Cæremonias Legales obser- ^{Sæculum VI.}
 vari tolerantis. Exempla SS. Basilii & ^{A. C. 553.}
 Athanasii, qui postquam cum Apollinari ^{Sup. XVII.}
 prius communicassent, ipsum damnave- ^{S. 34.}
 rant, & S. Leonis Papæ, qui ab initio Eu- ^{Basil. ep. 82.}
 tychen approbare videbatur.

Præterea Theodorus Cæsariensis ut ^{Sup.}
 pluribus demonstret, mortuos conde- ^{XXVII.}
 mnari posse, affert Exemplum Origenis ^{S. 23.}
 a Theophilo Alexandrino damnati, & ^{Sup. XXI.}
 addit: *Vos quoque, vos, inquam, & Vi-
gilius Papa Origenem novissime damna-
stis. ^{S. 1.}*

Hæc verba non ita accipienda sunt,
 ac si jam tunc Concilium Constantinopo-
 litanum Sententiam Damnationis contra
 Origenem pronunciaffet; quippe magis
 verum videtur, id demum damnatis tri-
 bus Capitulis factum. Sed Episcopo-
 rum plerique, & ipse Papa, jam ante Con-
 cilium Origenem singuli damnaverant,
 quando Imperatoris Edicto subscripse-
 rant.

Qui Theodoro patrocinabantur, illud ^{Sup. n. 4.}
 maxime urgebant, virum damnari non
 posse in Communione Ecclesiæ mortuum.
 Hinc legi jussa sunt Acta Concilii Mo- ^{p. 491.}
 psuesteni, ante triennium jubente Impe- ^{Sup. n. 36.}
 ratore, atque verisimiliter instante Theo-
 doro Cæsariensi, celebrati. Ex his Actis
 constabat, Nomen Theodori Mopsueste-
 ni in Diptychis Ecclesiæ suæ non legi,
 nec

Seculum VI. nec a tempore immemorabili lectum
A.C. 553. fuisse.

p. 503.

Sup. XXV.
f. 29.

p. 507.

v. *Marca*
diff. c. 22. to.
5. *Conc. p.*
613.

Deinde Patres ad Capitulum, quod inter illa tria secundum est, scilicet ad causam Theodoretum pertinens processerunt. Lecta sunt multa ex operibus eius excerpta, ut probaretur, quod S. Cyrillum oppugnasset, & contra Theodorum & Nestorium defendisset. Primo lecti sunt Textus ex ipsius Tractatu contra duodecim Anathematisimos S. Cyrilli, in quo Theodoretus dicebat, nos appellare S. Virginem Matrem Dei, quia Mater est Hominis, Deo uniti. Nos in Jesu Christo Unitatem Subsistentiae non confiteri. Formam Servi in Jesu Christo aliqua ignorasse. Lecta est Epistola ad Monasteria data, in qua S. Cyrillum arguebat, quod secundum errorem Apollinaris Naturas Jesu Christi confunderet. Aliqua etiam Sermonum fragmenta contra eundem lecta sunt. Item Epistolae ad Andream Samosatenum, ad Nestorium, & Joannem Antiochenum datae, in quibus Theodoretus adhuc dum, etiam post Reconciliationem, affirmabat, duodecim S. Cyrilli Capitula erroribus scateri. Tandem lecta est Epistola data ad Joannem Antiochenum de Morte S. Cyrilli, at ea Theodoretum non est, aut de morte alicujus alterius Episcopi Sedi Antiochenae subditi agit. His omnibus per-

perlectis Concilium dixit: *Dum impietatem librorum Theodoretii perpendimus, exactam Concilii Calcedonensis curam valde miramur, quod cum ipsius Blasphemias non ignoraret, primo contra Auctorem sapius exclamavit, & deinde non ante recepit, nisi postquam Nestorium & ipsius Blasphemias, in quarum Defensionem prius calamum strinxerat, anathematizasset.* Examen tertii Capituli, nempe de Epistola Ibæ, in aliam diem dilatum.

§. XLVIII.

Collatio Sexta.

In Collatione sexta 14. Cal. Jun. id est 19. Maj. dicta Epistola ad Examen vocata est. Primo lecta est ipsa Ibæ Epistola, id est Versio Græca, ex Autogra-
 pho Syriaco desumpta, qualis in Concilio Calcedonensi lecta fuerat. Deinde Epistola Procli Constantinopolitani ad Joannem Antiochenum recitata est, in qua ei significabat, esse, qui contra Ibam quererentur, quod Doctrinam Nestorii tueretur. Et addebat: *Rogo te, ut eum ad subscribendum epistolæ meæ ad Armenos datæ, & ad condemnandos, quos ad me miserunt, Articulos, compellas.* Ibæ nempe Epistola his erat contraria.

Tum Theodorus Cappadox, quæ in causa Ibæ acta fuissent, narrare cœpit. Ut a Clericis Ecclesiæ suæ Edessenæ co-

ram

Sæculum VI.
A. C. 553.

Sup. L.
XXVII. §.
22. p. 511.
19. Maji.